



UNIVERSITÄTS-
BIBLIOTHEK
PADERBORN

**Jacobi Sadoleti Card. Et Episcopi Carpentoractensis Viri
Disertissimi, Opera quæ exstant omnia**

Sadoleto, Jacopo

[Francofurti], 1607

XVIII. Iac. Sadoletvs Episc. Carp. Cosmo Gereo Episc. S.P.D.

[urn:nbn:de:hbz:466:1-69244](https://nbn-resolving.org/urn:nbn:de:hbz:466:1-69244)

mihi molesta est, & abs te, & ab illo veniam peto dari, mihi
que ignoscere peto. Reliqua mea officia in te, atq; in omnis tuos
fidelissime semper amantissimeque constabunt. Vale. XII. Ca-
lend. Decemb. M. D. XXXVI. Ex Vrbe.

XVIII.

IAC. SADOLETVS EPISC. CARP.
Cosmo Gerco Fani Epist. S. P. D.

Uobis Beccadellus familiaris tuus conuenit me, mul-
tamq; tuis verbis salutem mihi nunciauit: adiunxitq; in ser-
mone, te molestè ferre, quod cum ego per ista loca ad Vrbe[m]
prodicens iter facerem, tu istuc non affuisses: cupereque te in
meo rostru, si eadem via iter facerem, videre me, & alloqui, ho-
spiti que excipere, quem iam antè in amorem & in beneuolen-
tam tuam recepisses. Quae cuncta mi optime Gerimihi abs te
inuenta & grata accidere. Nam cum de te iam pridem in eam
opinionem venerim, vt de virtute & humanitate tua mirificè
sentiam, multorum honorum testimonis in hunc sensum adduc-
tus: tum verò hac significatio tua erga me voluntatis & meum
praeuium de te iudicium confirmat: & facit, vt te etiam mihi
magis præcipua quadam beneuolentia diligendum putem: quem
antea communi illo studio, quod virtuti deberet, tantum modò
diligebam. Siquidem nihil est, quod me vehementius impellat
ad amandum, quam cum intelligo me amari. Quod quoniam
mihi ab te contigit, sic velim tibi persuadeas, neque in hinc ami-
citiæ, neque in beneuolentiæ studio, quicquam à viro bono de-
siderari conuenire, quod tibi à me non promptum & paratum
futurum sit. Meque & tuam istam voluntatem, quam erga me
cunctiam ostendis, maximi facere: & tuis tantum tribuere virtu-
tibus, vt existimem hanc modò inter nos inuitam amicitiam, mi-
hi non solum voluptati, sed honori etiam permagno fore. Quare
iua sentias & consuetas volo, me tibi prorsus esse amicissimum.
De hospitio quòd mentionem facis: crede mihi, si te presentem
istuc ostendissem, perlibenter certè ad te diuertissem. Quid enim
mihi tuo aspectu & familiaritate occurrisset dulcius? Neque re-
culo, si in reuersione mea in Galliam per eadem ista loca transie-
ro, per qua, vt nunc est, transitarum me arbitror: quin ad te rectè
me conuerteram, tecumq; & apud te diem & noctem sim. Sed & pue-
ri familiares que tui, te absente eam mihi sedulitatem diligen-
tamq; præbuerunt, vt facillè appareret ex disciplina domestica,
quæ, & quam liberalis hospitiū receptor es. Nullum enim
certè officium prætermiserunt, quod tam breui tempore, & pe-
regimo, & hospiti potuerit præstari. In quo declararunt, cum

me tam studiosè inuitarent & colerent, quantoperè illud gratum iudicarent fore. Quæ cum omnia redeant eodem, sunt amoris erga me tui indicia atque signa: ne viam, mihi concessurus tibi sum, ut tu plus me diligas, quam ego te diligam. Itaque & pro collegio & pro amicitia, paria tibi à me studio polliceor ac defero, atque illa sunt, quæ tu in me contulisti, & fieri poterit, etiam ampliora. Sed de his satis. Ego genus tuum non desinam id & laudare summe, & admirari. Deumque immortalem quaeso, ut dignum tua ista virtute animiq; constantissimo atque euentum consilio tuo largiatur. Vale. III. Cal. Ianuarij, M. D. XXXVI. Ex Vrbe.

IACOBI SADOLETI EPISCOPI
CARPENTORACTI EPISCOPI
larum Lib. X. Epist. I.

IAC. SADOLETVS S. R. E. CARDINALIS
Herculi II. Duci Ferraria, S. P. D.



NONIAM habeo te inter eos quos mihi cum semper colendos, obseruandosque proposui: ut putaui mihi faciendum esse, ut ad te mea mandata haberem, nuntiaremeque id quod mihi contingit. Ego enim nihil cogitans, ac ne cupiens quidem, sed præter opinionem meam creatus sum Cardinalis. Cuius honoris onus & splendidum, meis tamen humeris perquam graue est: non enim videtur meæ fortunæ tenuitas id posse perferre. tamen feram ut poterò: & si copiis opibusque deficiat, in eum laborabo, ut fide, integritate, amoreque in Rempublicam satisfaciam. Tibi verò præstantissime Dux, cuius nominis clarissimæque familiæ iam pridem valde deditus sum, ita mea officiaque polliceor ac defero, ut tibi cupiam persuasum esse, ut tibi imprimis præsto semper foremeque eorum nemini qui te amant & colunt, quorum pro amplitudine & nobilitate tua, magnopropia est, vnquam concessurum: semperque ea libentissime facerem, quæ honori tibi & ornamento esse possint. Sed hæc, si vnus venerit, re magis præstabo, quam verbis. Tu vt me diligas, habeasque in numero tuorum, vehementer atque opto. Vale. Ex Vrbe, X. Cal. Ianuarij, M. D. XXXVI.